



XALQ DEPUTATLARI SO'X TUMANI KENGASHINING Q A R O R I

Rovon shaharchasi 151400. A.Temir ko'chasi 95-йй.

30-aprel - 2021 yil

№-VI-32-6

Маҳаллий бюджет маблаглари сарфланишида жамоатчилик иштирокини таъминлаш тўғрисида

Маҳаллий бюджет маблагларини жамоатчилик фикри асосида шакллантирилган тадбирларни молиялаштиришга йўналтирилиши устидан назоратни таъминлаш максадида Халқ депутатлари Сўх тумани Кенгаши

ҚАРОР ҚИЛАДИ:

1. Ўзбекистон Республикаси Президентининг 2021 йил 13 апрелдаги "Бюджет жараёнида фукароларнинг фаол иштирокини таъминлаш бўйича кўшимча чора-тадбирлар тўғрисида"ги ПК-5072-сонли Қарорига мувофик бюджет харажатларининг 5 фоизини жамоатчилик фикри асосида белгиланган тадбирларни молиялаштиришга йўналтириш тартиби боскичмабоскич жорий этилиши белгиланганлиги ва бу бўйича кабул килинган Ўзбекистон Республикаси Олий Мажлиси Сенати Кенгашининг 2021 йил 22 апрелдаги КҚ-213-IV-сонли Қарори маълумот учун кабул килинсин.

2. Сўх туман маҳаллий бюджети маблагларини жамоатчилик фикри асосида шакллантирилган тадбирларга йўналтириш тартиби тўғрисидаги намунавий низом иловага мувофик тасдиқлансин.

3. Сўх туман хокимлигининг Ахборот хизмати ва туман Молия бўлимига Сўх туман телевиденияси билан биргаликда жамоатчилик фикри асосида шакллантирилган тадбирларнинг молиялаштирилиши, ҳамда амалга оширилган ишлар бўйича маълумотларни кенг жамоатчиликка муентазам равишда етказиш вазифаси юклатилсин.

4. Белгилансинки, жамоатчилик фикри асосида шакллантирилган тадбирларни молиялаштиришга Сўх туман бюджети маблагларини ажратиш билан боғлик жараёнларни оммавий ахборот воситаларида ёритиш (худудий телеканаллар ва радиоканалларда кўрсатув ва эшиттиришлар ташкил этиш, турли хил кўргазмали буклет ва тарқатма материаллар

бидан боғлиқ харажатлар туман маҳаллий бюджетининг захира жамғармаси хисобидан амалга оширилсин.

5. Мазкур карорнинг ижросини назорат қилиш Сўх туман хокимининг молия-иқтисодиёт ва камбағалликни кискартириш масалалари бўйича биринчи ўринбосари М.Ботиров зиммасига юклансин.

Халқ депутатлари тумани
Кенгаши раиси



С.Сайдмусаев

Халқ депутатлари
Сўх тумани Кенгашининг
2021 йил "30 апрел, даги VI-32-
сон ҳарорига илова

**Сўх тумани бюджети маблағларини жамоатчилик фикри асосида
шакллантирилган тадбирларга йўналтириш тартиби тўғрисида
НИЗОМ**

1-боб. Умумий қоидалар

1. Мазкур Низом туман бюджети маблағларини жамоатчилик фикри асосида шакллантирилган тадбирларга йўналтириш тартибини белгилайди.

2. Ушбу Низомда қуйидаги асосий тушунчалардан фойдаланилади:

жамоатчилик фикри – мавжуд маҳаллий муаммоларни бартараф этиш мақсадида туманда истиқомат қилувчилар учун аҳамиятга эга бўлган тадбирларни туман бюджети маблағлари ҳисобига амалга ошириш бўйича ушбу Низомда белгиланган тартибда билдирилган таклифлар;

фуқаролар ташаббуси гуруҳи – жамоатчилик манфаатлари йўлида жамоатчилик фикрини кенгайтириш мақсадида шакллантирилган икки ва үндан ортиқ фуқаролар гурухи.

3. Қуйидагилар жамоатчилик фикри асосида шакллантирилган тадбирларни молиялаштиришга йўналтирилади:

туман бюджетининг тасдиқланган умумий харажатларининг 5 фоизи;

туман бюджети қўшимча манбаларининг камида 10 фоизи (2021 йил 1 июлдан 30 фоизи).

4. Жамоатчилик фикри асосида шакллантирилган тадбирларни танлаб олиш ва туман бюджети маблағларини мазкур тадбирларга йўналтириш ушбу Низомга 1-иловада келтирилган схемага мувофиқ амалга оширилади.

5. Жамоатчилик фикри асосида тадбирларни шакллантириш, баҳолаш, танлаб олиш ҳамда ижросини мониторинг қилиш ушбу Низомга 2-иловада келтирилган таркибда ташкил этиладиган Ишчи комиссия (кейинги ўринларда – Ишчи комиссия) томонидан амалга оширилади.

6. Туман бюджетининг тегишли маблағларини жамоатчилик фикри асосида шакллантирилган тадбирларни молиялаштиришга йўналтириш учун туман ҳокимлигига бюджет ташкилотларининг бюджетдан ташқари

жамғармаси шаклидаги “Фуқаролар ташаббуси жамғармаси” маҳсус шахсий ғазна ҳисобварағи(кейинги үринларда – Жамғарма) очилади.

7. Тұман ҳокимлиги қонун ҳужжатларига мувофиқ ҳар йилнинг февраль ва июль ойларида тұман бюджетининг “Фуқаролар ташаббуси жамғармаси” маҳсус ғазна ҳисобварағига йұналтириладиган маблағлар миқдорини белгилаш бүйича таклифни тасдиқлаш үчүн халқ депутатлари тұман Кенгашына кирилади.

8. Жамоатчилик фикри асосида шакллантирилган тадбирларни молиялаштириш үчүн йұналтириладиган маблағлар жамғармага:

тұман бюджетининг тасдиқланған үмумий харажатларининг 5 фойзи миқдоридаги маблағларнинг ярмидан кам бўлмаган қисми – мазкур молия йилининг **февраль ойида**, қолган қисми **июль ойида** (2021 йилда истисно тариқасида фақат бир маротаба, тўлиқ май ойида);

тұман бюджетининг қўшимча манбалари ҳисобига ажратиладиган миқдори – халқ депутатлари тұман Кенгашы қарори қабул қилингандан сўнг уч иш кунида ўтказилади.

9. Жамғарма маблағлари фақатгина жамоатчилик фикри асосида шакллантирилган тадбирларни молиялаштиришга йұналтирилади. Мазкур маблағларни бошқа мақсадларга йұналтириш тақиқланади.

10. Тадбирлар үчүн мұайян мүддат үрнатилған бўлса, у ҳолда фойдаланилмай қолган маблағлар тадбирларни ўтказиш мүддати тугаганидан кейин ўн иш куни ичида тегишли жамғармага тикланади.

2-боб. Жамоатчилик фикри асосида шакллантирилган тадбирларни танлаб олиш тартиби

11. Ишчи комиссия томонидан жамоатчилик фикри асосида шакллантирилган тадбирлар үчүн назарда тутилған маблағлар миқдори жорий молия йилининг 1 февраля ҳамда 15 июляга қадар “Очиқ бюджет” ахборот портали ва оммавий ахборот воситалари орқали жамоатчиликка етказилади.

12. Жамоатчилик фикри асосида молиялаштириладиган тадбирларнинг рўйхати бўйича таклиф бериш истагини билдирувчи фуқаролар ўзларининг маҳалласидаги мавжуд мұаммоларни бартараф этиш бўйича таклифларини молия йилининг 1 марта ва 15 августига қадар “Очиқ бюджет” ахборот порталаига жойлаштиради.

13. Жамоатчилик фикри асосида молиялаштириладиган тадбирларнинг рўйхати “Очиқ бюджет” ахборот порталида жойлаштирилган таклифлар асосида шакллантирилади.

14. Таклифлар вояга етган фуқаролар ҳамда фуқаролар ташаббуси гурӯҳлари томонидан берилиши мумкин.

15. Таклиф бериш истагини билдирувчи шахслар белгиланган тартибда “Очиқ бюджет” ахборот порталида рўйхатдан ўтади.

16. Фуқароларда “Очиқ бюджет” ахборот порталидан фойдаланиш имконияти мавжуд бўлмаса, улар ўз овозларини туман ҳокимлиги молия бўлимида ёзма равишда ушбу Низомга З-иловада келтирилган шаклга мувофиқ қолдириши мумкин.

Ёзма равишда тақдим этилган овозларни туман ҳокимлиги молия бўлимининг масъул ходими мустақил равишда “Очиқ бюджет” ахборот порталига автоматик тарзда киритади. Фуқаролар томонидан ёзма кўринишда тақдим этилган овозларни алоҳида электрон рўйхатдан ўтказиш дафтарида ушбу Низомга 4-иловада келтирилган шаклда қайд этиб борилади.

17. Жамоатчилик фикри асосида шакллантириладиган тадбирлар қўйидаги мезонлар асосида танлаб олинади:

туманнинг ижтимоий-иқтисодий хусусиятларидан келиб чиқиб, шунингдек, аҳолидан тушаётган мурожаатлардаги муаммолар;

жамоавий муаммоларни ҳал этиш қаратилганилиги (хиёбонлар, болалар майдончаси барпо этиш, ички йўлларни ва ижтимоий соҳа обьектларини таъмирлаш, экологияни яхшилаш, ичимлик ва оқова суви билан таъминлаш, кўча чироқларини ўрнатиш (таъмирлаш) ва шу кабилар);

жамоатчилик томонидан билдирилган таклифлар идоравий ёки шахсий хусусиятга эга бўлмаслиги (шахсий автомашина ёки тураржой ҳарид қилиш, тадбиркорлик фаолиятини қўллаб-қувватлаш, маъмурӣ биноларни таъмирлаш);

берилган таклифларни амалга оширишнинг умумий қиймати базавий ҳисоблаш миқдорининг 4 минг баробаридан ошмаслиги лозим.

бюджет параметларида, обод кишлоқ ва инвестиция дастурларида кўзда тутилган обьектлар учун берилган таклифлар кабул килинмайди.

18. Ишчи комиссия “Очиқ бюджет” ахборот порталида таклиф бериш тадбирлари якунланган санадан эътиборан ўн беш иш кунида уларнинг ушбу Низомнинг 17-бандида кўрсатилган мезонларга мувофиқлиги ҳамда тадбирлар амалга оширилиши имкониятларини ўрганган ҳолда таклифларни танлаб олади. Танлаб олинган таклифларни овоз бериш босқичида иштирок этишини таъминлаш учун уларга “Очиқ бюджет” ахборот порталида “қабул қилинди” мақомини беради.

Ишчи комиссия таклифлар бўйича ҳар бир тадбирларни амалга ошириш учун талаб этиладиган маблағнинг дастлабки миқдорини аниқлайди.

19. Танлаб олинган тадбирларни амалга ошириш учун талаб этиладиган маблағнинг дастлабки миқдори лойиҳа-смета ҳужжатлари бўйича аниқлаштирилади.

20. Ишчи комиссия томонидан рад этилган таклифлар бўйича таклиф берган шахснинг шахсий кабинетига рад этишнинг асосланган сабаблари тўғрисида хабарнома юборилади.

21. Таклифларни танлаб олиш жараёни якунлангандан сўнг, танлаб олинган тадбирлар асосида жамоатчилик ўртасида **Йигирма иш куни давомида** овоз бериш жараёни ўтказилади. “Очиқ бюджет” ахборот порталида рўйхатдан ўтган ҳар бир шахс ҳар бир жараён давомида “Очиқ бюджет” ахборот порталида фақат бир маротаба таклиф қолдириши ва бир таклифга овоз бериши мумкин.

22. Овоз бериш жараёни якунларига кўра, энг кўп овоз тўплаган таклифлар ғолиб деб топилади ва таклифларга берилган овозлар сонидан келиб чиқиб юқоридан пастга қараб саралаб олинади.

23. Ғолиб деб топилган таклифларни амалга оширишнинг жами қиймати жамғармада мавжуд маблағлар миқдоридан ошиб кетиши мумкин эмас.

24. Ишчи комиссия овоз бериш жараёни якунларига кўра, жамғармадаги маблағлар ҳисобига молиялаштириладиган тадбирлар бўйича таклифларни овоз бериш жараёни якунланган санадан эътиборан бир ҳафта муддатда ҳалқ депутатлари туман Кенгашига кўриб чиқиш учун киритади.

Молиялаштириладиган тадбирлар бўйича таклифларда объектларнинг аниқ манзилли дастур (қиймати, амалга ошириш муддати, буюртмачиси ва бошқалар) кўрсатилиши лозим.

25. Ишчи комиссия “Очиқ бюджет” ахборот порталига қўшимча равишда қўйидаги маълумотларни:

жамғармадан йўналтирилган маблағлар тақсимоти тўғрисидаги маълумотни;

жамғармадан йўналтирилган маблағлар бўйича амалга оширилган давлат харидлари тўғрисидаги маълумотни;

жамғармадан йўналтирилган маблағларнинг молиялаштирилиши тўғрисидаги маълумотни;

жамоатчилик фикри асосида шакллантирилган тадбирлар доирасида амалга оширилган ишлар акс эттирилган видео-ролик ва фото лавҳаларни жойлаштирилишини таъминлайди.

Бунда Ишчи комиссия “Очиқ бюджет” ахборот порталига ҳар ойнинг якунлари бўйича кейинги ойнинг 10-кунига қадар маълумотлар, видео-ролик ва фотоловҳалар жойлаштирилишини ҳамда оммавий ахборот воситалари орқали кенг ёритиб борилишини таъминлайди.

26. Жамоатчилик фикри асосида шакллантирилган тадбирларни амалга ошириш бўйича тузилган шартномага ишлар ҳажмининг кўпайиши ёки лойиҳанинг ўзгартирилиши билан боғлиқ ўзгартиришлар киритилишига йўл қўйилмайди.

27. Ишчи комиссия ҳар йили 25 январга қадар ўтган йилда жамоатчилик фикри асосида шакллантирилган тадбирларни молиялаштиришга йўналтирилган маблағлар юзасидан ҳалқ депутатлари туман Кенгашига ҳисобот киритади.

28. Жамоатчилик фикри асосида шакллантирилган тадбирларни амалга ошириш натижаларига кўра янги (қайта) қурилган ёки таъмирланган обьектларнинг ишга туширилиши ва унинг келгусидаги фаолиятини сақлаш билан боғлиқ харажатлар бюджет қонунчилигига мувофиқ тегишинча балансда сақловчи маблағлари ҳисобидан амалга оширилади.

29. Ҳалқ депутатлари туман Кенгаши ҳар йили 1 февралга қадар туман ҳокимлиги томонидан киритилган ўтган йилда жамоатчилик фикри асосида шакллантирилган тадбирларни молиялаштириш учун ажратилган маблағларнинг сарфланиши тўғрисидаги ҳисоботни тасдиқлайди.

30. Ишчи комиссия ҳар йили 10 февралга қадар ўтган йилда жамоатчилик фикри асосида шакллантирилган тадбирларни

молиялаштириш учун ажратилган маблағларнинг сарфланиши юзасидан тасдиқланган ҳисботни “Очиқ бюджет” ахборот порталига жойлаштиради.

3-боб. Якунловчи қоидалар

31. Туман бюджетининг жамоатчилик фикри асосида шакллантирилган тадбирларни молиялаштиришга йўналтирилган маблағларининг белгиланган мақсадларда ва самарали фойдаланилиши ҳамда маблағларнинг ажратилиши учун тақдим этиладиган барча ҳужжатларнинг ҳаққонийлигига **Ишчи комиссия аъзолари** шахсан жавобгар ҳисобланади.

32. Туман бюджетининг жамоатчилик фикри асосида шакллантирилган тадбирларни молиялаштиришга йўналтирилган маблағларининг белгиланган мақсадларда ва самарали фойдаланилиши ўстидан қонун ҳужжатларига мувофиқ тегишли ваколатли шахслар томонидан доимий назорат амалга оширилади.

33. Жамоатчилик фикри асосида тадбирларни шакллантиришда юзага келадиган низолар қонунчиликда белгиланган тартибда ҳал этилади.

34. Ушбу Низом талаблари бўзилишида айбдор бўлган шахслар қонунчилик ҳужжатларига мувофиқ жавоб берадилар.

**Сўх тумани бюджети маблағларини
жамоатчилик фикри асосида шакллантирилган
тадбирларга йўналтириш тартиби тўғрисидаги
низомга
1-илова**

**Жамоатчилик фикри асосида шакллантирилган тадбирларни танлаб олиш ва туман
бюджети маблағларини мазкур тадбирларга йўналтириш
СХЕМАСИ**

| Босқичлар | Субъектлар | Тадбирлар | Муддатлар |
|------------------|---|--|---|
| 1-босқич | Туман ҳокимлиги Халқ депутатлари туман Кенгаши | <p>1. "Жамоатчилик ташаббуси жамғармаси"(кейинги ўринларда – Жамғарма) маҳсус ғазна ҳисобварағига йўналтириладиган маблағлар миқдорини белгилаш бўйича таклифни тасдиқлаш учун тегишли халқ депутатлари туман Кенгашига киритади.</p> <p>2. Жамғармага йўналтириладиган маблағлар миқдорини кўриб чиқади ҳамда тасдиқлаш бўйича қарор қабул қиласди.</p> | Молия Йилининг 1 февраляни ва 15 июлига қадар Таклифлар олинган санадан эътиборан уч иш куни ичida |
| 2-босқич | Ишчи комиссия | Жамоатчилик фикри асосида шакллантирилган тадбирлар учун назарда тутилган маблағлар миқдори "Очиқ бюджет" ахборот портали ва оммавий ахборот воситалари орқали жамоатчиликка етказилади. | Молия Йилининг 1 февраляни ва 15 июлига қадар |
| 3-босқич | Таклиф бериш истагини билдирувчилар | Маҳалла ёки тўмандаги мавжуд мўаммоларни бартараф этиш бўйича таклифларни "Очиқ бюджет" ахборот порталига жойлаштиради. Таклиф бериш жараёни бир ойдавом этади. | Молия Йилининг 1 марта қадар; 15 августга қадар |
| 4-босқич | Ишчи комиссия | Мезонларга мувофиқлиги ҳамда тадбирлар амалга оширилиши имкониятларини ўргангандан ҳолда таклифларни танлаб олади ва "Очиқ бюджет" ахборот порталига жойлаштиради. | Таклиф бериш тадбирлари якунланган санадан эътиборан ўн беш иш куни ичida |
| 5-босқич | Ишчи комиссия | Жамоатчилик томонидан овоз бериш жараёни ўтказилади. | Таклифлар жойлаштирилган санадан эътиборан йигирма иш кунидагомида |

| | | | |
|-----------|--------------------------------|---|--|
| 6-босқич | Ишчи комиссия | <p>1. Овоз бериш жараёни якунларига күра, энг күп овоз түплаган таклифлар ғолиб деб топилади ва таклифларга берилган овозлар сонидан келиб чиқиб юкоридан пастга қараб саралаб олинади.</p> <p>2. Овоз бериш жараёни якунларига күра, Жамғарма маблағлардан молиялаштириладиган тадбирлар бўйича таклифларниҳалқ депутатлари туман Кенгашига кўриб чиқиш учун киритади.</p> | Овоз бериш жараёни якунланган санадан эътиборан бир ҳафта муддатда |
| 7-босқич | Ишчи комиссия | Халқ депутатлари туман Кенгаши томонидан маъқулланган таклифларни "Очиқ бюджет" ахборот порталида ва бошқа оммавий ахборот воситалари орқали эълон қилиб боради. | Ҳар сийнинг якунлари бўйича кейинги ойнинг 10-кунига қадар |
| 8-босқич | Ишчи комиссия | Ўтган йилда жамоатчилик фикри асосида шакллантирилган тадбирларни молиялаштириша йўналтирилган маблағлар юзасидан халқ депутатлари туман Кенгашига ҳисобот киритади. | Ҳар йили 25 январга қадар |
| 9-босқич | Халқ депутатлари туман Кенгаши | Ўтган йилда жамоатчилик фикри асосида шакллантирилган тадбирларни молиялаштириш учун ажратилган маблағларнинг сарфланиши тўғрисидаги ҳисоботни тасдиқлайди. | Ҳар йили 1 февралга қадар |
| 10-босқич | Ишчи комиссия | Ўтган йилда жамоатчилик фикри асосида шакллантирилган тадбирларни молиялаштириш учун ажратилган маблағларнинг сарфланиши юзасидан тасдиқланган ҳисоботни "Очиқ бюджет" ахборот порталига жойлаштиради. | Ҳар йили 10 февралга қадар |

Сўх тумани бюджети маблагларини жамоатчилик
фикри асосида шакллантирилган тадбирларга
йўналтириш тартиби тўғрисидаги
низомга
2-ицова

**Жамоатчилик фикри асосида тадбирларни шакллантириш,
баҳолаш, танлаб олиш ҳамда ижросини мониторинг қилиш
бўйича ишчи комиссиянинг
ТАРКИБИ**

| T/p | ФИО | Иш жойи ва лавозими * |
|-----|--------------|--|
| 1. | С.Сайдмусаев | Халқ депутатлари туман Кенгаши раиси, ишчи комиссия раҳбари |
| 2. | М.Ботиров | Сўх туман ҳокимининг биринчи ўринbosари |
| 3. | С.Мирзаев | Туман ҳокимининг қурилиш масалалари бўйича ўринbosари |
| 4. | М.Жумаев | Халқ депутатлари Сўх туман Кенгаши котибияти мудири |
| 5. | F.Мелников | Сўх туман Молия бўлими мудири |
| 6. | Р.Мирсаидов | Туман ҳокими ўринbosари - маҳалла ва оилани қўллаб-қувватлаш бўлими бошлиғи |
| 7. | И.Ахматов | Туман ҳокимлиги ҳузуридаги Жамоатчилик кенгаши вакили |
| 8. | | Нодавлат нотижорат ташкилотларнинг вакиллари |